

时，魔波旬从彼净居诸天边，闻如是语已，起增上慢，倍生瞋心，复速疾走向菩萨所，欲害菩萨。

尔时，彼处护菩提树，有八天神：一名功德，二名增长，三名无畏，四名巧譬<sup>1</sup>，五名威德，六名大力，七名实语，八名善会。彼等八神，仰瞻菩萨，目睫<sup>2</sup>不交，一时同以十六种相，赞叹菩萨，作如是言：

- (1) 仁今最胜清净众生，光明照耀，犹如天上日<sup>3</sup>月在空。
- (2) 仁今挺特<sup>4</sup>清净众生，显赫<sup>5</sup>焰炽，犹如空里日天初出。
- (3) 仁今皎洁清净众生，众相开敷<sup>6</sup>，如绿池内红莲花发。
- (4) 仁今无畏清净众生，奋迅自在，如师子王处大林内。
- (5) 仁今安静清净众生，不惊动<sup>7</sup>，如须弥山王出住海中。
- (6) 仁今清净周匝，显现峙<sup>8</sup>立<sup>9</sup>，犹如大铁围山牢固不动。
- (7) 仁今沈重<sup>10</sup>审谛<sup>11</sup>众生众德备具，犹如大海众宝充满。
- (8) 仁今含容意度宽广，日日增长，犹如虚空无有边际。
- (9) 仁今敦<sup>12</sup>厚<sup>13</sup>无诸邪曲<sup>14</sup>心意正定，犹如大地养育众生。

<sup>1</sup> 譬：拼音 bì àn，异体字：辯、譬、譬、詖、詖、詖、詖、辯、善。

<sup>2</sup> 睫：拼音 jié，同‘睫’。眼睑边缘的细毛：睫毛。目不交睫。迫在眉睫。

<sup>3</sup> 日【大】，白【圣】

<sup>4</sup> 挺特：拼音 tǐng tè，超群特出。

<sup>5</sup> 赫【大】，吓【圣】

<sup>6</sup> 开敷：拼音 kāi fū，(花朵)开放；繁荣。

<sup>7</sup> 动【大】，不动【宋】【元】【明】

<sup>8</sup> 峙【大】，峙【宋】【元】【明】，时【圣】

<sup>9</sup> 峙立：拼音 zhì lì，耸立。高耸直立。

<sup>10</sup> 沈重：拼音 chén zhòng，亦作“沉重”。沉静庄重。

<sup>11</sup> 审谛：拼音 shěn dì，仔细考察或观察。

<sup>12</sup> 敦【大】，教【圣】

<sup>13</sup> 敦厚：拼音 dūn hòu，脾气和性情憨厚，忠厚。

<sup>14</sup> 邪曲：拼音 xié qū，不正。

- (10) 仁今心意无有垢浊具足，犹如阿耨达池<sup>15</sup>清净之水备八功德<sup>16</sup>。
- (11) 仁今断除一切诸结心意不染，犹如大风不著诸世。
- (12) 仁今巍巍难可观覩面目，犹如猛火炽盛，远离一切诸烦恼热。
- (13) 仁今勇健刚鞞众生，大力如彼那罗延天<sup>17</sup>无人能伏。
- (14) 仁今精进历劫熏修心意难回，犹如帝释放金刚杵。
- (15) 仁今已得第一善利，最为一切众生上首具足十力，不久当成无上菩提。’

尔时，守护彼菩提树诸神王，以十六种相赞叹菩萨，章句如是(本闍<sup>18</sup>一赞)。

尔时，色界净居诸天，复共同以十六种相，毁辱魔王，挫其势力。何等十六？

- (1) 波旬！汝今无有威势，犹如憊<sup>19</sup>人被健儿伏妄言我胜。
- (2) 波旬！汝今一身独自无有伴侣，犹如旷野被放逐<sup>20</sup>人。
- (3) 波旬！汝今一切军众，诸力摧折<sup>21</sup>，如负重乏<sup>22</sup>羸瘦老牛。
- (4) 波旬！汝今愚盲秽恶无有清净，如夜射箭堕不净地。
- (5) 波旬！汝今犹跛<sup>23</sup>瞎驴东西浪行，落邪险道如迷商人。

<sup>15</sup> 阿耨达池：《大唐西域记》云：“在香山之南，大雪山之北，周八百里矣。金、银、琉璃、颇胝，饰其岸焉。金沙弥漫，清波皎镜。八地菩萨以愿力故，化为龙王，于中潜宅。出清冷水，给赡部洲。是以池东面银牛口流出殑伽河(旧曰恒河，又曰恒伽，讹也)，绕池一匝，入东南海；池南面金象口流出信度河(旧曰辛头河，讹也)，绕池一匝，入西南海；池西面琉璃马口流出缚刍河(旧曰博叉河，讹也)，绕池一匝，入西北海；池北面颇胝师子口流出徙多河(旧曰私陀河，讹也)，绕池一匝，入东北海，或曰潜流地下，出积石山，即徙多河之流，为中国之河源云。”

<sup>16</sup> 水备八功德：

清凉香轻柔，澄清无有垢，  
饮时不损喉，饮已不伤腹。

<sup>17</sup> 那罗延天：具有大力之印度古神，意译为金刚力士。

<sup>18</sup> 闍【大】，阙【宋】【元】【明】【圣】闍：拼音 què，异体字：闕。古代用作“缺”字。空缺。

<sup>19</sup> 憊【大】，犢【宋】【元】【明】【圣】憊：拼音 níng，怯懦；软弱的人。

<sup>20</sup> 逐【大】，患【宋】【元】【明】【圣】放逐：拼音 fàng zhú，把罪人充发到远方去，或驱逐出境。

<sup>21</sup> 摧折：拼音 cuī zhé，摧毁、折断。

<sup>22</sup> 乏【大】，之【宋】【元】【明】

<sup>23</sup> 跛：拼音 bǒ，腿或脚有病，走路时身体不平衡，瘸：跛脚。跛子。

- (6) 波旬！汝今眷属离散，身无精光，犹如负草贫穷乞儿<sup>24</sup>。
- (7) 波旬！汝今威德实衰，无处依止，强作奸猾<sup>25</sup>，犹如痴人，无有羞耻。
- (8) 波旬！汝今造业不净多有垢腻<sup>26</sup>，如无恩义孝德之人。
- (9) 波旬！汝今被他驱趁<sup>27</sup>，犹如野干被师子逐不得自在。
- (10) 波旬！汝今一切军众，不久退散，犹如猛风吹诸飞鸟。
- (11) 波旬！汝今愚惑昏闇，不知时节，如死日到孤独贫儿。
- (12) 波旬！汝今眷属退败<sup>28</sup>，犹如散药从于疏漏有孔器出。
- (13) 波旬！汝今不久当被禁制治罚，犹如解理趁逐<sup>29</sup>愚人。
- (14) 波旬！汝今须臾被断一切身力，犹如罪人被他割截手足异处(本阙二相)。

时首陀会一切诸天，以如是等十六种相，毁魔波旬，摧其力已。

时护菩提树之八神，还复共以十六种相，重毁波旬。何等十六？

- (1) 波旬！汝今不久之间，被菩萨降，犹如健儿被他贼杀。
- (2) 波旬！汝今被菩萨扑，犹如怯弱羸瘦<sup>30</sup>之人，为大力士之所搥打<sup>31</sup>。
- (3) 波旬！汝今被菩萨光之所覆蔽，犹如日出障翳于彼小萤火虫。
- (4) 波旬！汝今被菩萨威自然退散，犹如一把碎末麦稻<sup>32</sup>被大风吹。
- (5) 波旬！汝今被菩萨怖失脚驰走，犹如小兽被师子追。

<sup>24</sup> 儿【CB】【丽-CB】【圣】，克【大】

<sup>25</sup> 奸猾：拼音 ji ā n hu á，诡计多端。

<sup>26</sup> 垢腻：拼音 g ò u n ì，脏。

<sup>27</sup> 驱趁：拼音 q ū ch è n，犹驱赶。

<sup>28</sup> 败【大】，散【宋】【元】【明】

<sup>29</sup> 趁逐：拼音 ch è n zh ú，追随。

<sup>30</sup> 瘦【大】，疲【圣】

<sup>31</sup> 搥打：拼音 ch u í d ǎ，用手或棍棒敲打。

<sup>32</sup> 稻：[穀-夫+(△/月)]【大】，[穀-夫+少]【宋】【元】【明】麦稻：拼音 m à i j u ā n，麦茎也。

- (6) 波旬！汝今被菩萨拔，如娑罗树为猛风吹合根倒地。
- (7) 波旬！汝今被菩萨破，如怨贼城为大力王之所摧灭。
- (8) 波旬！汝今被菩萨竭，如牛迹水为盛旱日之所干涸。
- (9) 波旬！汝今被菩萨退低头直走，如得罪人为他所杀忽然得脱。
- (10) 波旬！汝今被菩萨扰，如野泽内遭大猛火飞鸟乱惊。
- (11) 波旬！汝今被菩萨伏心内忧愁，如无法行忽失权势下代<sup>33</sup>国王。
- (12) 波旬！汝今不久当被菩萨剥脱，犹如无翅老病鸿鹤<sup>34</sup>。
- (13) 波旬！汝今不久当被菩萨减<sup>35</sup>削，如行旷野无粮食人。
- (14) 波旬！汝今不久当被菩萨劫夺，如人失舶<sup>36</sup>没于大海。
- (15) 波旬！汝今被菩萨焦，如劫尽时一切稠林树木烬灭。
- (16) 波旬！汝今不久当被菩萨崩<sup>37</sup>倒，犹如金刚打坏石山。

是等天神，以十六种毁魔波旬。其魔波旬，闻诸天神如是毁辱劝谏之时，向菩萨走，欲杀害故，违失<sup>38</sup>劝谏<sup>39</sup>，被诸天神之所毁辱，犹不解心，不还本宫，更复增忿敕兵众言：‘汝等速起！急疾打散<sup>40</sup>撮此仙人，莫与其命。是人今既自度彼岸，于我界内，复教无量无边众生，出我之境，我不放汝，若汝自知得脱我手，唯汝沙门！速起驰走<sup>41</sup>，远离于此菩提树下，则命久活，不遭困苦。’

<sup>33</sup> 代【大】，伐【宋】【元】【明】

<sup>34</sup> 鸿鹤：拼音 hóng hè，指鸿鹤与仙鹤。

<sup>35</sup> 减【大】，灭【宋】【元】【明】【圣】

<sup>36</sup> 舶：拼音 bó，航海的大船。

<sup>37</sup> 崩【大】，摩【宋】

<sup>38</sup> 违失【大】，依实【宋】【元】【明】【圣】

<sup>39</sup> 劝谏【大】，劝请【宋】【元】【明】【圣】

<sup>40</sup> 散【大】，噉【圣】

<sup>41</sup> 走【大】，去【宋】【元】【明】【圣】

尔时，菩萨报波旬言：‘若当使此须弥山王崩离本处，一切众生悉无复有，一切星宿及以日月坠落堕地，大海干竭。我今已<sup>42</sup>坐菩提树下，不可移动。’魔复更瞋，出粗恶言：‘汝等捉此瞿昙释子，擎将飞行，且缓莫杀，速疾将向我微妙宫，五缚枷锁，手著杻械<sup>43</sup>，遣守我门，令我数见如是困苦多种厄难，犹如恶奴。’

尔时，菩萨报波旬言：‘可此虚空将于妙色画<sup>44</sup>杂种形，或复虚空及诸星宿并日月天，堕落于地。汝等诸魔满足三千，恐怖于我，乃至树下，魔欲吓我，无有是处。’

尔时魔众尽其威力，胁<sup>45</sup>菩提树，不能惊动菩萨一毛。有偈说言：

‘天魔军众忽然集，处处打鼓震地噪，  
吹螺<sup>46</sup>及贝诸种声，唱言子欲作何事？  
今见此魔大军众，何不起走离此中？  
汝今妙色如铸<sup>47</sup>金，面目清净天人仰<sup>48</sup>，  
如是身体不久坏，此大魔众难可当。  
但看地上及虚空，诸种变现皆充满，  
必欲共斗恐不如，其若瞋忿或损身。  
梵音迦罗频伽声，告诸夜叉罗刹等，  
愚痴欲恼虚空体，今来怖我亦复然。  
能以金刚破山王，或用口吹竭大海，

<sup>42</sup> 已【大】，以【圣】

<sup>43</sup> 杻械：拼音 niǔ xiè，脚镣手铐。泛指刑具。

<sup>44</sup> 画【大】，尽【圣】

<sup>45</sup> 胁【大】，憎【宋】【元】【明】胁：拼音 xié，逼迫恐吓：胁迫。威胁。

<sup>46</sup> 螺【大】，蚤【圣】

<sup>47</sup> 铸：拼音 zhù，〈动〉铸金(熔铸金属成物)；铸铜(炼铜)

<sup>48</sup> 仰：拼音 yǎng，敬慕：久仰。敬仰。

或猛瞋龙持手执，如是彼能动我心。  
 魔众愤怒放火山，拔树并根历<sup>49</sup>乱掷，  
 镕<sup>50</sup>铜赫<sup>51</sup>赤星散注，或有手把恶毒蛇，  
 或骆驼马白象头，或猫野干獼猴首，  
 或瞋蛇龙吐气舌，或复霹雳闪电飞，  
 杂雨土石雹金刚，或注铁丸诸器仗，  
 槊矛<sup>52</sup>长刀三叉戟，或现金刚齿<sup>53</sup>毒蛇，  
 落地打碎树枝条，种种兵甲<sup>54</sup>大叫吼，  
 或有百臂射百箭，蛇口吐猛焰火光，  
 或棒<sup>55</sup>铁丸如须弥，或出可畏炽火雨，  
 倒地劈<sup>56</sup>裂彻泉下，或有窜身<sup>57</sup>前后围，  
 或在左右及足边，颠倒手脚放烟火，  
 忽然还复口大笑。如是可畏诸魔军，  
 菩萨见如幻化为，如是魔力应夺命，  
 彼见犹如水中月，亦复非真男女形，  
 非我非命非众生，眼耳鼻口身意等，

<sup>49</sup> 历：拼音 lì，〈副〉遍、完全。

<sup>50</sup> 镕【大】，融【宋】【元】【明】【圣】

<sup>51</sup> 赫【大】，赫【圣】

<sup>52</sup> 矛【大】，牟【圣】

<sup>53</sup> 齿【大】，啮【元】【明】

<sup>54</sup> 兵甲：拼音 bīng jiǎ，兵器和盔甲。指军队装备。

<sup>55</sup> 棒【大】，捧【宋】【元】【明】【圣】

<sup>56</sup> 劈【大】，霹【宋】【圣】

<sup>57</sup> 窜身：拼音 cuàn shēn，改易身分。

内外因缘各自有，是诸法尔造无人，  
我作如此语非虚，不信当更作言誓，  
如我今见于彼等，欲得恐怖于我来，  
诸法体性及我身，一切悉空无有实。’

是时魔军夜叉众等，以诸形貌种种身体，如是恐怖菩萨之时，菩萨尔时，不惊、不怖、不动、不摇。而彼魔王波旬，更复增瞋恚心，内怀愁忧，遍满其体不能自安。而有偈说：

‘魔家眷属大可畏，各作种种恐怖形，  
见彼菩萨不惊惶，波旬心愁剧瞋恨。’

尔时，菩萨作是思惟：‘此魔波旬，不受他谏，造种种事而不自知，我今可以如法语言断其一切诸恶法行。’菩萨如是心思惟已，语魔波旬作如是言：‘魔王波旬！汝善谛听。我本来此，菩提树下，创初之时，将一把草，铺已而坐。所以者何？恐畏后时共魔波旬成于怨仇，斗争相竞恶口骂詈。汝魔波旬！造诸恶行，无有善心，我今欲断汝魔波旬一切怨仇，欲灭汝等一切恶业。汝魔波旬！若欲生于怨恨之心，作如是念：“何故菩萨坐此树下，将草作铺，著粪扫衣？”汝心如是妒嫉此事。汝魔波旬！且定汝意，我若成就阿耨多罗三藐三菩提，后取如是等一切诸事，付嘱于汝，愿汝回心生大欢喜。

魔王波旬！汝今心中亦有言誓：“我等必当恐怖菩萨，令舍此座起走勿停。”然我复有弘大誓愿：“我今此身坐于此座，设有因缘，于此坐处，身体碎坏犹如微尘，寿命磨灭，若我不得阿耨多罗三藐三菩提时，我身终不起于此处。”魔王波旬！如是次第，我等当观，是谁勇猛誓愿力强？有能在先成就此愿，或我或魔及汝军众？若我福业善根力强，我应成此誓愿不虚。’是时菩萨向魔波旬而说偈言：

‘汝昔施一无遮会，今得如是大威权，  
我于无量亿僧祇，为诸众生种种施。’

尔时，魔王波旬复向菩萨而说偈言：

‘我昔祭祀无遮会，汝今验我既非虚，  
汝若干劫布施行，谁信此言欲降我？’

魔王波旬说此偈已，是时菩萨，不畏、不惊、不怯、不弱，专注不乱。以柔软心，舍诸恐怖，身毛和靡，视瞬安庠，伸<sup>58</sup>其右手，指甲红色，犹如赤铜。兼以种种诸相庄严具足，无量千万亿劫，诸行功德善根所生，举手摩头。手摩头已，复摩脚踏，摩脚踏已，以慈愍心，犹如龙王，欲视举头。既举头已，善观魔众，观魔众已，以千万种功德右手指于大地，而说偈言：

‘此地能生一切物，无有相为平等行，  
此证明我终不虚，唯愿现前真实说。’

尔时，菩萨手指<sup>59</sup>此地作是言已，是时此地所负地神，以诸珍宝，而自庄校，所谓上妙天冠、耳珰、手鐲<sup>60</sup>、臂钏<sup>61</sup>及指环等，种种璎珞庄严于身，复以种种香华满盛七宝瓶内，两手捧持，去菩萨坐不近不远，从于地下忽然涌出，示现半身，曲躬恭敬向于菩萨，白菩萨言：‘最大丈夫！我证明汝，我知于汝。往昔世时，千亿万劫，施无遮会。’作是语已，是时其地遍及三千大千世界，六种震动，作大音声，犹如打于摩伽陀国铜钟之声<sup>62</sup>，震遍吼等，如前所说，具十八相。

<sup>58</sup> 伸【大】，申【宋】【圣】

<sup>59</sup> 指【大】\*，拍【圣】\*

<sup>60</sup> 鐲【大】，琐【宋】【元】【明】【圣】

<sup>61</sup> 臂钏：拼音 b ì ch u à n，古代妇女的臂饰，戴于手臂之上。

<sup>62</sup> 声【大】，所【圣】



尔时，彼魔一切军众及魔波旬，如是集聚，皆悉退散，势屈不如，各各奔逃，破其阵场，自然恐怖，不能安心，失脚东、西、南、北驰走。当是之时，或复白象顿蹶<sup>63</sup>而倒，或马乏卧，或车脚折，狼藉纵横。或军迷荒不能摇动，或复弩、槊、弓、箭、长刀、繻索、剑轮、三叉、戟、翼<sup>64</sup>、小斧、钺铁从于手中自然落地。又复种种牢固铠甲，自碎摧坏去离于身。如是四方争竞藏窜，或覆其面，踣<sup>65</sup>地而眠，或仰倒地，乍<sup>66</sup>左乍右，宛转尸移。或走投山，或入地穴，或有倚树，或入闇<sup>67</sup>林，或有回心归依菩萨，请乞救护养育于我，其有依倚<sup>68</sup>于菩萨者，不失本心。时其波旬，闻大地声，心大恐怖，闷绝躄<sup>69</sup>地，不知东西于上空中，唯闻是声：‘打某<sup>70</sup>！撮某！捉某！斫某！杀某！断某！黑闇<sup>71</sup>之行，悉令灭尽，莫放波旬。’

尔时，彼处别有地神，将于一瓶凉冷之水，洒魔王上，而告之言：‘汝魔波旬！速疾<sup>72</sup>急起！走向自<sup>73</sup>宫，今为汝故，当有种种器仗，欲来害于汝身，节节解汝。’而彼魔众，本时所作，杂类形容，殊异身体，变现而来，执持种种兵戈器械，如是怖已，不能复形。还如是归，至本来处，各相迷失，经由七日，于后或有得相见者，或不相见，其相见者，各相借问。或复哭母，或复哭父，或兄或弟，或姊或妹，互相谓言：‘我等今者值此大厄，是我等殃<sup>74</sup>，我等今得本命而还，深是我等不可思议。’而有偈说：

<sup>63</sup> 蹶：拼音 jué，〈动〉本义：倒下，跌倒。

<sup>64</sup> 翼：拼音 shà，古代帝王仪仗中的大掌扇：“古者扇翼皆编次雉羽或尾为之。”

<sup>65</sup> 踣：拼音 bó，跌倒：屡踣屡起。

<sup>66</sup> 乍：拼音 zhà，忽然：乍冷乍热。乍暖还寒。

<sup>67</sup> 闇【大】\*，暗【圣】\*

<sup>68</sup> 依倚：拼音 yī yǐ，倚靠；依傍。

<sup>69</sup> 躄：拼音 bì，古同“蹙”。仆倒：“迷闷蹙地。”

<sup>70</sup> 某【大】\*，其【宋】【元】【明】【圣】\*

<sup>71</sup> 闇【大】\*，暗【圣】\*

<sup>72</sup> 速疾【大】，疾速【宋】【元】【明】

<sup>73</sup> 自【大】，本【宋】【元】【明】

<sup>74</sup> 殃【大】，快【圣】

‘菩萨右手百福严，诸指网罗赤红甲，  
 掌内千辐轮相炳，阎浮金光妙色充。  
 以手安庠<sup>75</sup>摩头<sup>76</sup>跌，如是掌下似云电，  
 口言大地汝明我，往昔无数劫修行，  
 所有来乞曾不违，水火风神皆验实，  
 梵天帝释并日月，十方诸佛悉鉴知，  
 如我苦行求菩提，布施持戒精进忍，  
 禅定智慧等六度，及四无量诸神通，  
 如是次第助道因，一切熏修尽皆证，  
 十方我作诸功德，般遮于瑟<sup>77</sup>及檀那<sup>78</sup>，  
 汝魔万分无一毫<sup>79</sup>。是时以手指<sup>80</sup>此地，  
 其地震声若钟响<sup>81</sup>，六种涌没海波涛，  
 魔覩倒地闷不稣<sup>82</sup>，或有空音唱缚撮，  
 虽降面失于光色，自知不及菩萨威，  
 椎<sup>83</sup>胸大哭唱叫声，身体疲乏无归处，  
 东西南北纵横走，心迷闷绝无有情，

<sup>75</sup> 庠【大】，详【明】

<sup>76</sup> 头【大】，顶【宋】【元】【明】【圣】

<sup>77</sup> 般遮于瑟：义译曰无遮会。以容受一切之人而不遮遣故也。

<sup>78</sup> 檀那：拼音 tán nà，布施。为梵语 dāna 的音译。

<sup>79</sup> 毫【大】，豪【圣】

<sup>80</sup> 指【大】\*，拍【圣】\*

<sup>81</sup> 钟响【大】，鐘向【圣】

<sup>82</sup> 稣【大】，蘇【圣】稣：拼音 sū，同“苏”。昏迷中醒过来：苏生。苏醒。死而复苏。

<sup>83</sup> 椎【大】，槌【宋】【元】【明】，推【圣】

象马车兵力悉摧， 鸠槃毘舍遮罗刹，  
 自然惊怖悉星散， 退走求道各回遑<sup>84</sup>。  
 如鸟在泽被火飞， 父母兄弟姊妹女，  
 两两相求不知道， 各问汝今何处停。  
 设得相见迭<sup>85</sup>相嫌， 俱云厄至恐失命，  
 彼诸魔众无亿数， 忽然消灭似散云。  
 如是苦经七日中， 后遇相逢唱言活，  
 我等心今大欢喜。 时彼菩提树大神，  
 慈心将冷水一瓶， 洒于魔上作是说，  
 速起莫住随心去， 汝今若不取我言，  
 后值厄难当分甘。 夜叉罗刹鸠槃等，  
 摩睺罗伽及毘舍， 世间所有可畏形，  
 魔王率将树下来， 欲望恐怖于菩萨。  
 端正容颜诸相满， 功德具如千日光，  
 心不惊动犹须弥， 观彼<sup>86</sup>魔众如幻化，  
 诸法无异无分别， 如星如露如浮云，  
 法相如是正思惟， 安心善住结加<sup>87</sup>坐，  
 若有我心彼闻见， 如是邪念则生贪，

<sup>84</sup> 回遑：拼音 hu í hu á ng，惶恐、疑惧。

<sup>85</sup> 迭：拼音 di é，〈动〉本义：交替，轮流。

<sup>86</sup> 彼【CB】【丽-CB】，后【大】

<sup>87</sup> 加【大】，跏【宋】【元】【明】【圣】

痴人作是着我时，以心念故见恐怖。

释迦牟尼大尊者，观于诸法平等如，

十二因缘相续生，心意境界空无实。

见谄曲魔不惊动，乏顿无利身体疲，

木石刀杖<sup>88</sup>悉弃捐<sup>89</sup>，眷属驰走无依怙。’

尔时，魔王波旬长子名曰商主，即以头顶礼菩萨足，乞求忏悔，口唱是言：‘大善圣子！愿听我父发露辞谢，凡愚浅短，犹如小儿，无有智慧。我今忽来恼乱圣子，将诸魔众，现种种相恐怖圣子。我于已前，曾咨父言，以忠<sup>90</sup>正心：“虽有智人善解诸术，犹尚不能降伏于彼悉达太子，况复我等？”但愿圣子！恕亮我父。我父无智，不识道理，如是恐怖大圣王子，当何取生？大圣王子！愿仁所誓，早获成就速证阿耨多罗三藐三菩提。’

尔时，所有一切诸天，向于菩萨生信行者，若虚空中及在地上，或复诸方，彼等悉大欢喜踊跃遍满其体，不能自胜，以欢喜心，口唱是言：‘唎唎啾啾<sup>91</sup>梨梨。’其声遍满四方虚空，震叫响<sup>92</sup>彻弄诸衣服，‘呜呼希有菩萨！今已<sup>93</sup>降伏诸魔及魔军众。’以作天乐，以作天歌，赞叹菩萨。复将天花、曼陀罗花、摩诃曼陀罗花、曼殊沙花、摩诃曼殊沙花、优钵罗花、拘勿头花、钵头摩花、分陀利花，以天梅<sup>94</sup>檀细末之香，散菩萨上。散已复散，雨而更雨。

有偈说言：

<sup>88</sup> 杖【大】，仗【宋】【元】【明】【圣】

<sup>89</sup> 捐【大】，舍【宋】【元】【明】

<sup>90</sup> 忠【大】，中【宋】【元】【明】

<sup>91</sup> 啾啾：组字式：[口\*祁] 组字式：[口\*祁]

<sup>92</sup> 响【大】\*，向【圣】\*

<sup>93</sup> 已【大】，以【宋】【元】【明】【圣】

<sup>94</sup> 梅【大】，旃【圣】

‘菩萨既降伏魔王，此之大地六种动，  
众生没在无明暗，大圣神光普照明。  
天地开朗日月辉，犹如妇女庄严面，  
虚空下种种花雨，曼陀罗等及余花。’

尔时，复有无量无边诸余天等，千万亿数，娑婆世<sup>95</sup>主、大梵天王及帝释等，皆大欢喜，乃至遍体，不能自胜，合十指掌顶礼菩萨，口作是言：‘今此圣者！必证阿耨多罗三藐三菩提。’是时其处菩提树下相去不远，有一龙王名曰迦罗，即便以偈叹菩萨言：

‘如我昔覩佛日兴，还如此处菩提树，  
作大神通希有事，善巧方便降魔王。  
世尊今者亦复然，铺草结加<sup>96</sup>安隐坐，  
心不攀缘正意住，曾无一念暂时惊，  
如是勇猛大精进<sup>97</sup>，决定最胜牟尼佛。  
而此大地六种动，其响<sup>98</sup>震吼如钟声，  
东西南北涌复潜，不久必成大胜觉。  
虚空闕<sup>99</sup>塞诸天众，百千万亿那由他，  
唱声微妙心喜欢，仁今必作大妙圣。  
诸天万亿不可数，各弄衣服满虚空，  
如是预相无有边，仁今作佛成大圣。’

<sup>95</sup> 世【大】，世界【圣】

<sup>96</sup> 加【大】，跏【圣】

<sup>97</sup> 进【大】，勤【圣】

<sup>98</sup> 响【大】\*，向【圣】\*

<sup>99</sup> 闕【大】，闭【元】【明】

## 圣般若摄颂广释

千万那由他天众，在空顶礼合掌恭，  
此之先应难具言，仁今作佛大尊觉。  
天诸童子亿千万，喜欢手执妙天花，  
于仁者上雨花云，仁今作佛世尊胜。  
周匝菩提树林木，枝头皆向尊屈低，  
此诸瑞相非一条，仁今作佛大尊极。  
仁既降伏天魔众，可畏音响<sup>100</sup>及殊形，  
悉以慈力摄化周，仁今作佛大尊称。  
迦罗龙王叹佛已，心生快乐大喜欢。]

<sup>100</sup> 响【大】\*，向【圣】\*